

flu



Broj: 12-27-11572-6/19
 Zenica, 11.09.2019.godine

Na osnovu člana 69. stav (2) tačka e) i člana 70. Stav (1), (4) i (6) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-11572-5/19, od 09.09.2019. godine, u otvorenom postupku javne nabavke za radove broj: 1417-1-3-12/19 od 24.07.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o poništenju postupka javne nabavke u otvorenom postupku

I

Poništava se postupak javne nabavke radova - „Postavljanje habajućeg sloja asfalta na zaobilaznici kroz općinu Olovo na putu R-467 Zavidovići – Olovo”, broj: 1417-1-3-12/19 od 24.07.2019. godine, u skladu sa članom 69. stav (2) tačka e) Zakona o javnim nabavkama BiH, jer su cijene svih prihvatljivih ponuda znatno veće od osiguranih sredstava za predmetnu nabavku.

II

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

III

Ova odluka stupa na snagu danom donošenja i zajedno sa zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-11572/19 od 18.07.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Ukupna procijenjena vrijednost javne nabavke (bez uključenog PDV-a) iznosi 85.470,09 KM.

Obavještenje o nabavci broj: 1417-1-3-12-3-11/19 objavljeno je na Portalu javnih nabavki 24.07.2019. godine.

Komisija za javne nabavke imenovana rješenjem broj: 12-27-11572-2/19 od 28.08.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je ukupno 5 (pet) ponuda.

U periodu od 29.08.2019. godine do 04.09.2019. godine Komisija je pregledala dostavljene ponude u skladu sa uslovima za učešće, obavezanim elementima ponude i tehničkim karakteristikama i utvrdila slijedeće:

Ponuda ponuđača “GEO-PUT” d.o.o. Maglaj se odbacuje jer nije dostavljena potpuna dokumentacija u skladu sa tačkom 12.7 stav a) Tenderske dokumentacije. Uz spisak izvršenih ugovora dostavljene su potvrde koje nisu u skladu sa traženim uslovima iz tenderske dokumentacije. Dostavljene su:

- Uvjerenje od strane Općine Maglaj broj 01-49-180/19 od 13.02.2019. kojem se potvrđuje da je firma “GEO-PUT” d.o.o. Maglaj za potrebe Općine Maglaj obavljala radove u 2018. Godini na redovnom održavanju lokalnih cesta na području općine Maglaj, po Ugovoru broj: 01-49-593-4/18 u ukupnom iznosu od 80.168,40 KM sa PDV-om. U Tenderskoj dokumentaciji stoji “uz spisak izvršenih ugovora dostaviti najmanje jednu potvrdu naručioca o uspješno izvedenim radovima – izgradnje, rekonstrukcije ili sanacije javnih cesta”, a ne redovno održavanje cesta.



- Potvrda o izvršenim ugovorima od Grada Tuzla broj: 05-03/11-14-2335/19-EH od 08.04.2019. godine. U pomenutoj potvrdi nema navoda o uredno izvršenim radovima iz ugovora, što nije u skladu sa tačkom 12.7. stav a) Tenderske dokumentacije.
- Potvrda i preporuka za dobro izvršenje posla od Federalnog ministarstva poljoprivrede, vodoprivrede i šumarstva, broj 09-3-106 01/17A A, sadrži navode o uredno izvršenim poslovima na sanaciji klizišta na putnim komunikacijama u MZ Krtova, općina Lukavac, što nije predmet javne nabavke. Dakle, u Tenderskoj dokumentaciji stoji “uz spisak izvršenih ugovora dostaviti najmanje jednu potvrdu naručioca o uspješno izvedenim radovima – izgradnje, rekonstrukcije ili sanacije javnih cesta”, a ne sanacije klizišta.
- Pismo preporuke od NatronHayat d.o.o. Maglaj broj 78-05/2016 od 20.5.2016. potvrđuje da su uspješno izvedeni radovi u krugu “NatronHayat” d.o.o. Maglaj u 2015. Godini i to Rekonstrukcija industrijskog puta, a što nije predmet javne nabavke. Dakle, u Tenderskoj dokumentaciji stoji “uz spisak izvršenih ugovora dostaviti najmanje jednu potvrdu naručioca o uspješno izvedenim radovima – izgradnje, rekonstrukcije ili sanacije javnih cesta”, a ne industrijske ceste.

Zbog navedenog ponuda ponuđača “GEO-PUT” d.o.o. Maglaj se u skladu sa članom 68. st (4) tačka i) Zakona o javnim nabavkama (“Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača “Porobić” d.o.o. Zavidovići nije urađena u skladu sa e ispunjava uslove iz tenderske dokumentacije iz tačke 17.3. u kojoj je propisano da “Sve listove ponude, osim neizmijenjene odštampane literature, trebaju parafirati ili potpisati lica koja su ovlaštena da zastupaju dobavljača”. Naime, u ponudi Ponuđača “Porobić” d.o.o. na stranici pod rednim brojem 3 (tri) nema parafa niti potpisa lica koja su ovlaštena da zastupaju dobavljača. Zbog navedenog ponuda ponuđača “Porobić” d.o.o. Zavidovići se u skladu sa članom 68. st (4) tačka i) Zakona o javnim nabavkama (“Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača “MGV GRADNJA” d.o.o. Zavidovići nije u skladu sa tačkom 15.1. tenderske dokumentacije. Prema navedenoj tački navedeno je da se „*Pri pripremi ponude ponuđač mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.*“ Pregledom ponude ponuđača „MGV gradnja“ d.o.o. Zavidovići Komisija je utvrdila da je prilog V ponude (Izjava o ispunjenosti uslova iz člana 51. Tačka b) (Tehnička i profesionalna sposobnost u postupku nabavke radova) Zakona o javnim nabavkama (Službeni glasnik BiH broj 39/14) izmjenjen tako što je u dijelu priloga umjesto sljedećeg teksta:

*„Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo utvrđeno Kaznenim zakonima u BiH, te da davanje netačnih podataka u dokumentima kojima se dokazuje **tehnička i profesionalna sposobnost** iz članova od 48. do 51. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.“*

napisan sljedeći tekst:

*„Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje **ekonomska i finansijska sposobnost** iz člana 47. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.“*

Imajući u vidu navedeno, kao i odredbe člana 68. Zakona o javnim nabavkama BiH („Službeni glasnik BiH“ broj: 39/14), ponuda ponuđača „MGV gradnja“ d.o.o. Zavidovići se odbacuje, jer nije u skladu sa uslovima iz tenderske dokumentacije.

Ponude ponuđača „Dobojputevi” d.d. Doboj Jug i “Hajdić” d.o.o. Maglaj ispunjavaju postavljene uslove, te je za 06.09.2019. godine zakazano provođenje e-aukcije, sa početkom u 14:00 sati. E-aukcija je uspješno okončana te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	„Dobojputevi“ d.d. Doboj Jug	86.270,84 KM
2.	„Hajdić“ d.o.o. Maglaj	99.137,25 KM

Nakon provedene e-aukcije i sačinjene rang liste, Komisija je jednoglasno predložila ugovornom organu, da na osnovu člana 69. stav (2) tačka e) Zakona o javnim nabavkama u BiH poništi predmetni postupak javne nabavke za radove broj: 1417-1-3-12/19 od 24.07.2019. godine, jer su cijene svih prihvatljivih ponuda znatno veće u odnosu na procijenjenu vrijednost nabavke, odnosno od osiguranih sredstava za predmetnu nabavku.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije
- Saglasnost za ispravku računске greške

Dostavljeno:

- 1 x Ponuđačima,
- 1 x a/a



MINISTAR


(Arnel Isak)